

翠簾館吟州

卷三



翠藤館吟草卷三

香山芥樵羅蕙屏著

秋日登阜峯望岐海

江城滯涼雨萬瓦陰翠積海光抱城入片片曠秋碧石岐坦掌閭  
水繞衣帶窄風帆競出沒割裂天水白海氣溼彌重柳枝疎以瘠  
孤邨入烟雨平疇偃稻麥行人小於粟纍纍貫阡陌登高俯塵壤  
身去雲咫尺招手不得見中憾輒紅隔忽回江上風飛嵐杳無迹  
漁唱答暮鍾夕照挂寒栢微暉林杪明新月吐蟾魄

月夜程蔚卿貳尹見過

矯矯君如鶴閑閑吾亦鷗茶烟兩人影月露一螢秋宦况春期夢

華年水退流得時且行道初志復何尤

不信泥雲隔吾生譏坐窮世情雙眼淡獨念百年空躡蹻看長劍  
升沈付短蓬偶然笑譚處蕭槭柳枝風

四更

秋光潤無著風露立中庭疎柳羣聚雀遠天飛一螢舒空雲漂白  
耿壁火深青戍鼓城頭促四更人獨醒

燒衣曲

金風蕭蕭玉露微十字街頭燒鬼衣門前燭光紅萬枝鐃鼓瑒琤  
雙耳疲紙灰著地寒不飛借風吹上黏蛛絲路旁老樹啼餓鴟啁  
啾刺耳魂魄馳月黑鬼影來陸離頭足現滅蓬葆披新鬼含愁故

鬼飢瑟縮引頸前致詞秋高風冽寒刺肌捫腹往往愁餒而地下  
况復無鳴機儘有刀尺供裁施感激收涕羣笑嘻綃紉簇簇生光  
輝撒地新果菱與梨或爲橐裏或手持吱啁滿路行委蛇冷風一  
縷弗見之香煤烟漫霜氣滋斜月猶挂寒檐楣

秋夜

銀浦流雲露已珠淒淒風色怯孤蒲閑愁此夜月將落小院無人  
燈自孤幾日病軀愁躑躅一絲涼夢入模糊薄衾睡起中庭立霜  
氣滿天啼獨鳥

昨日

昨日風色寒病軀轉自適欣然試魚膾沽酒喜留客薄醉能雄談

神氣頗奕奕仰天玩悽景把卷坐遙夕檐馬鏘鐵聲銀蟾墮素魄  
條然屏衆慮無使纖埃積自信勿藥喜免貽慈母戚誰知陰雲散  
旋見日光赤熱蒸抉雙眼火中鑽兩腋頭腦如簸風痛刺若觸石  
把枯舐之苦擗管拈復擲天氣匪所定病魔亦扞格安得回金甌  
愁病爲解釋

齋曉

秋堂曉陰薄游鶻響飛鈴默坐課書罷澹然風入庭天低蛛網碧  
牆溼蘚紋青心迸雲孤往長詞動渺冥

秋日過清暉樓藉評留酌

高閣瞰魚塘遙山貢秋碧雲陰懸雨絲澹抹日將夕風皺水紋細

倒映入瑤席籬角花冷紅偏照波影白薄涼醉眼豁水天間咫尺  
胸中蘊煩鬱半月哽塊石倏爾傾嘔出爽籟集肘腋微吟吁素空  
片葉仰首擲含情屬今古蒼穹凍脈脉鑿地求片懽安能長跼蹐  
區生貧者俠豪情略形迹古交勵窮賤斟酒酌圖籍倚欄橫笛聲  
激越裂素帛孤鸞叫青冥瘦蛟舞荒澤滿耳急清商淒緊秋氣迫  
鬢齡讀書地感慨思疇昔塵網日深黜敗瓦蒼蘚積荏苒歷時序  
回頭事遷易重覩悟夙分塞悲聊自適滄桑眼底濶底用深咨惜  
鼎鼎百歲內懽娛駒走隙高訶且縱飲無然空騷感

東黃伴筌

我夢烟洲月君離珠海雲蒼茫雲月裏飛夢乍逢君別意新苔迹

長篇秋水文慰窮倘相過清笑酒微醺

秋日過問隱泉惺公病

數月聞公臥禪室行腳久未山門出老樵近亦憂采薪不叩柴關  
六十日秋風過眼葉飛疾落黃癡繞維摩膝虛堂日暝生晦陰幾  
點頑雲黑如漆羨公六慾早捐置奚恤鼠肝復蟲臂涼秋疎爽透  
氣血四肢神行老魔避况公素持勿藥論日吸瓊漿擲甘餌心田  
自種不死藥無任扁盧逞神異神光跏坐貫頂穴慈竹林中朶雲  
庇覲面碧閃法眼光體膚皴瘦神采揚惟宜引肱復高臥香絲恬  
繞清睡長

江城行



江城九月天欲霜乾風弄樹葉舞廊秋齋枯坐謝賓侶老桂瘦立  
吹古香雲邊忽墮紙鳶影匝耳絃管聲琅琅春華豔媚幾何日轉  
瞬斗宿紛更張飛鴉短柳日酸眼敗荷苦竹喧拂塘琴絃燥急厲  
哀響篝火寒薄搖寸光一歲憂思此橫集暮林蕭槭揚清商含情  
獨立宵未央素月亭亭窺女牆離顏照我微瘠黃瘦影瑟縮神惋  
傷一聲叫雁纖雲碧露珠圓墜沾襟裳往事回頭時忖量暗結心  
坎迴中腸去年秋老百憂併權發珠泮旋故鄉窮愁潦倒白日慘  
大母垂危方臥牀已憾驪珠探復失旋驚鵬鳥來非祥米薪籌畫  
計烟爨荅尤辛苦搜藥囊布衾夜淺交睫短青釭淚凍懸綆長苦  
境歷歷尙眼底追憶猶令泣數行今歲秋風厭寒早蕭然貧病愁

相當餘恩三載付流水放歸樊素情未忘補天苦欲鍊色石種愁  
深悔栽白楊案頭管禿繪事荒壺中醪濁豪興亡老莓階窄長淒  
綠荆扉晝鎖深閉藏故交寒盟冷於水覲面羞澀頭藏昂慈親齒  
脫髮半蒼幼稚恒忍飢無糧蟾宮花影遙相望目送秋隼飛翱翔  
孤蟬抱枝啼烟涼中情悵悵吞聲將夜來騰躍心緒狂冷風入戶  
蕩吟魄擲筆大呼羣鼠慌

寒夜

窗掩玻璃霜滿天默吟消受夜如年隔牆梅影盤枝曲映雪蛛絲  
結網圓破硯尙堪呵凍筆敝裘惟賸煖詩肩蕭條門巷無人跡搖  
曳青釭照不眠

夜脩儀庭書未發復題一絕

書成紙上墨花粗計日開緘歲又徂寥落故人渾不見一樽寒雨  
夜燈孤

乍看一首與泮生

乍看新柳未吹絲雲攪鴻濛水墨天薜綠薄黏蝸篆滑竹深微度  
鳥聲圓二分春色愁如海幾載閑情夢化烟手折寒花風裏立故  
人相望總茫然

睡起

寒多無穩夢無夢底思眠落積連宵雨鳥啼將曙天  
檠光入窗小  
鐘語隔花圓起早驚春色垂楊有挂烟

聞梁儀庭將自欖山來欣然有作悵然有憶

東風三月吹紅棉憶我去歲來欖山青江細浪盪柔櫓烟巒迎我  
開笑顏君時作主吾作客春雨夜翦韭花碧談深窗火搖凍光坐  
久部蛙破岑寂襟袂沾濃綠酒痕琅玕深畫新詩迹  
時將園竹題句句留七  
日未忍去此時握手累晨夕於今往事問一載雪泥無恙君健在  
離悰遠挂楊柳枝日窮眼力爲君待君乎倘來飛櫂頻兩兩含意  
常未伸藤蘿請拂石上月琥珀一醉花前春春風火急競催暮不  
來花亦嗤笑人連朝陰濶曉寒重雲壓低簷黑如夢相思水遠未  
得見昂頭天末雨絲凍

烟洲暮歸

四山純碧烟拖藍落紅簇簇風吹衫夕陽淡蕩未歸海半角銅鉦  
林杪銜樹深土色凍逼面呵叱山鬼窮幽探百年老鴉立啄木幾  
個野蛤跳入潭石險苔痕辨蒼黝潮高海氣迴腥鹹長松隔岸路  
紆折指點白衿人兩三星光欲現碧酸眼錯落水底明鏡涵暮陰  
離合磬響發漁笛遠畚栖霞庵我卻呼舟渡江去割取一股獅山  
嵐水風花雲撲襟袂香沁鼻觀如酒酣柔櫓波搖月點碎疏篷光  
曳燈火含回頭邨迴爨烟薄淒迷萬瓦魚鱗嵌路窮沙口倦腰腳  
奚囊句滿肩儘擔舍舟復認石岐路微吟細語猶喃喃入門僮僕  
一相笑風景飽看忘饑饉

苦雨

齋頭日日長聽雨十日真無一日停落賸花鬚漂淡白卷成苔髮  
漚深青蝸貪溼土勤書字鶴媿飢容倦刷翎怨對癡雲非了事極  
天如夢晝冥冥

梁逸亭先生屢介儀庭問訊於蕙并索近製未有以應暇作  
長句報之

江城草碧春漸深墨雲聚墨成愁霖偈仄蝸室來言禽隱隱下聽  
枯桐音欲彈調澀悽離心孤懷遠寄岡州岑此鄉詩老同素襟忘  
年早契朋盍簪間唾珠玉披新吟書法兼擅王山陰不泥摹古腕  
力沈偶一灑翰當代欽老叟溺學古籍淫日鑽青簡驅紅蟬令子  
玉樹風中臨少騰香譽身泮林冠時早出驂駟豈屑屈蠖終蹄

浴想公掀髯慨幽枕兩鬢况喜霜未侵精神矍鑠德愈惜八年交  
誼迄至今往來魚訊通江潯鴻篇下逮粉瑤琳虛懷每許同酌斟  
賤子才具間難禁聞命汗落滋霍霍捫心自忖成焦琴羌無逸響  
長默瘖縱然妄作迷南鍼公爲點鍊鎔渾金邇來春風眠薄衾淅  
瀝苦雨檐端淋山川間濶情莫任幸此魂夢無商參異日穗石重  
招尋尙聆緒論貽規箴

夜展永安江館圖

此地已新主此圖如故人悵然展燈下恍若親吾身人生富貴視  
朝霞區區若此奚足云大厦朱門變衰草玉魚金虎空悲辛田園  
一旦棄我去化爲墨汁爲烟雲萬貫腰纏暫能保子孫未必無憂

貧斯圖倘與金石壽千年尙作吾家珍朔吹凜凜百卉死只此光  
景如長春半尺隙地達烟嶺數椽破屋臨江濱來游不用盪桂楫  
亦不用臥希少文展圖好任自來去咫尺近勝東西隣黃金撒手  
或沈海寸軸未許埋荒榛永藏什襲如拱璧任爾嗤者時搖唇

欖山菊會六十年一開聞今歲將舉欣然有作卻寄諸子

蟠桃會後菊花會百歲人能見幾回聞道會錢過十萬羣仙一笑  
五雲開

看山早行

五鼓城頭月聞鷄早出城野含星火大樹壓嶺雲平露凍深花氣  
風高蕩鶴聲隔溪人語雜已見賣茶旌



晚眺

含情且高望雲戀晚從容似隔江  
天樹何來山寺鐘夕陽赭萬瓦  
芳草碧孤峯爲爾風前立愁心疊幾重

戍鼓

戍鼓報殘夜林月輒東上淒然萬家夢  
雲路靜摩盪對此青釭寒  
冥漠涉幽想戶庭客去寂窗竹夏清響  
爐烟篆微歇琴語韻彌朗  
花醒搖弱枝送影弄虛幌捲簾達夜氣  
輒風入駘蕩寒檐語飢雀  
片光照蛛網

二十夜作

夜氣悄冥冥簾駒響不停怒蛙吠殘月  
飢鳥逐流星未曙柳眠地

無風花墮庭虛堂方客散  
鐙影爲誰青

暑夜默坐

繁星夜逾碧漢影淡虛堂時有好風至  
淨聞紅藕香遠天惟落月  
殘檠尙孤光唧唧莎鷄響愁心爲爾長

漫興

晝長太覺渾無事睡起依然日影紅  
滿院槐花黃不落一蟬高唱  
萬枝風

感事有作

夜火熒熒悄自青情鍾愧讀牡丹亭  
天高力補終餘缺夢短寒搖  
易覺醒屢驗江萍驚聚散虛栽隄柳怨飄零  
祇今莫問東流水已

送殘紅過別汀

羅幃深悔築愁城  
棖觸當時感又生  
一水往來終濶絕  
三年恩怨欠分明  
風花過眼成春恨  
山海虛名枉舊盟  
惆悵綠窗聽雨夜  
玻璃響作墮釵聲

香山難免戀楊枝  
忍淚窗題決絕詞  
尙惜餘懽煩夢補  
未明心事訴花知  
水流世外終無定  
月到人間總易虧  
願把生離參死別  
此身無奈當天涯

新秋夕懷黃伴笙

故人珠海別不見  
又新秋盡日風吹  
雨孤燈影照愁薄  
涼生夜氣清夢泛  
江漚欲寄逢初雁  
書來水國頭

秋夜有懷卽柬泮生茂才

雨餘望天未明河耿秋碧搔首無餘懽  
憮然漫尋繹念此素心侶  
烟波間潮汐蒿蓬道久賤衣塵拂自惜  
良時苟未遇豔黯珠韞澤  
流水驅歲時朔吹老松柏相慕輒相感  
悲詞憤胸積孤月入離懷  
念子坐遙夕

七夕獨坐

纖月微寒露未霜鍼樓誰倚夜蒼茫  
共憐天上銀河遠未抵人間  
別恨長象管銷魂題往事羊燈搖碧  
怯秋光病餘強欲披衣坐如  
此愁心不可量

寄懷黃伴笙時方悼仄

一曲哀蟬愴絕絃  
新愁知汝落黃邊  
可憐元相傷心日  
齋奠猶堪借俸錢

遺挂蕭條鏡檻虛  
星光旁代月奚如  
廿年貧賤甘心處  
得謝衾裯挽鹿車

回頭春夢感重交  
歸妹慵占茅二爻  
幸有洞房瑤瑟在  
不須辛苦覓鸞膠

愁心如我斷蓬飄  
秋盡雲山兩寂寥  
共有別離生死淚  
西風簾外雨蕭蕭

抄秋十六日劉小衡茂才招同梁聖褒解元何玉銘明經蔡鳳林梁湘舟黃芭香三茂才醺集花韻軒作展重九會即

事有作

重陽未著東山屐今日纔傾北海樽漫說客來偏好事豈知秋老  
易銷魂荒涼白社虛前約問訊黃花過小軒相對阿誰開口笑酒  
邊心緒卻難論

牽衣行爲高姊夫作

饑驅饑驅欲行徐徐家貧輕別使卿獨居

解一

淚眼模糊泣背吾姑

天低雲暝秋風戒途

解二

裝棉尙遲庭葉始飛郎行且去逐漸寄衣

解三

而女在襁而親已杖他日歸來老者衰幼者長

解四

貧富由天妾

心無怨珍重風霜郎身非健

解五

郎身健妾心喜郎出門妾替理若

問所倚妾仰十指

解六

郎自登舟心事勿憂郎且行休惹姑愁

解七

斜月

四更尙斜月深碧火空明一雁樓邊去何人街上行風微活花影  
秋老倦蟲聲夜夜紛離緒愁予夢不成

閉門

閉門感秋風

昌谷句

積葉臥欲起懣然蘊微痼容悴詫神靡幽蘭泣露

團衰姿褪霞縷簾薄侵涼光屏坐虛白裏新知旣罕覲故懽詎能  
已襟愁濶浩蕩覃葛俟誰理入夜寸輝弱莎鷄苦疲耳雲寒斂華  
容霄曠止凝水羣植肅商氣慘淡色勿喜抱琴候征鴻怨隔一千  
里

硯歌

何人上青天持刀割紫雲留此方寸質透膩含冰紋貧士視爲田  
富兒視爲石摩挲再四心知惜數朶青花養深碧田兮石兮吾不  
分寶之安肯同筆焚主人不俗君亦文

秋懷

幾回燈下看吳刀獨坐深宵醉濁醪鴻雁霜寒雲路濶鯉魚風起  
浪花高更無好境消離恨別抱愁心愛楚騷天未故人秋萬里江  
山孤與夢魂勞

去年病裏臥秋風今日愁邊感斷蓬鑄鍊方成知有悔補天仍缺  
惜無功蓮生並蒂餘心苦豆蓄相思化淚紅願抱懽娛題落葉好  
教流水自西東



柬黃芭香

溷靄停雲柏亞東久因瑤想託吟筒眼前又負看花日病裏眞愁  
落葉風羨子才華驚鸞鷺何人心迹忘雞蟲空慚筆硯塵勞甚重  
締深盟白社中

夜半聞雨作

寒燈悄無光淒然下微雨凜凜朔吹緊落葉傍檐舞夢魂病頹弱  
擁被怯寒苦窗蕉捎殘葉枝雀溼饑羽雲影黑蔽埜苔痕綠侵戶  
連宵罕過客心緒爲誰吐靜類寒巖僧枯坐攝浮鹵瘦影凍瑟縮  
吟聲倦噢咻鐘聲警疎點香篆裊殘縷脈脈無好懷遠天沈戍鼓  
連日寒甚喜得晴霽柬黃芭香

南土罕見雪嚴霜便澈骨昨夜懸雨絲古硯墨花結樵夫蘊微恙  
忍凍坐兩日愁雲滯朝昏匪見日出沒庭芳斂古碧畫地苔迹裂  
瑟居苦無悰抱影恒兀兀黃生遠莫致詩成自怡悅想見斂神坐  
鼎烟炭微熱秋琴臥短榻流響繞梁歇時而杼幽悖串珠掉吟舌  
洒洒揮健毫落紙勁屈鐵只惜酒懷窄禦寒計獨拙我昨爲赭顏  
擁病未肯節強把杯在手頓覺神煥發仰視蓮峯雲凍止不得越  
渺渺間遙岫積陰晦林樾底怪素心人相思兩濶絕突見紅日高  
晨起思飄忽薄寒僅結面疾颯力已竭檐楹語乾鵲客來倘能決  
因風盼吾子花外久荒轍

雨意

極天惟雨意簾幙晝沈沈風緩恬花性枝高縱鳥音無人苔徑綠  
入夢草堂深偶得忘機處怡然復鼓琴

既晴有作

積雨欣得晴寸心猶怖恍有似貪鄙懷既得旋患失須臾楚雲至  
黯黯黑如漆萬樹靜以待一鳥啼愈疾無言落花片血痕斑石質  
新苔漸純綠蠶食侵臥室入夜枕衾膩詩夢苦礙窒南方固雨產  
九十負佳日恒令雙耳疲厭聽檐溜溢願言築小樓高臥春事畢

舟行

雨歇當斜暉烟鬢碧四圍泥魚爭水出沙鳥避人飛風飽帆微側  
波平石定稀篷窗偶窺望林腹露柴扉

西山木棉感咏

此樹自終古傷心問宋朝  
半身枯未死一朶豔如燒  
興廢春前夢風霜劫後條  
銷魂城畔立無復晚花飄

雨夜友人見過

春色雨中盡故人天外來  
風斜收短燭酒少惜殘杯  
寒氣猶嫌重愁懷且暫開  
宵分送君去餘滴尙莓苔

子規

子規何太苦啼血萬山幽  
勸汝不歸去惱人空自愁  
白楊天外路孤月樹梢樓  
屈指清明過聲聲底未休

獨坐

白晝蕭無光，輕陰散微雨。風細搖綠楊，林幽響杜宇。怡然衆慮攝，心清烟一縷。抱膝青琴橫，和聲不按譜。

少事

少事心全澹，閑看得自如。花枝穿壁隙，草色補窗虛。久病思拋枕，長貧悔讀書。蹉跎卅年易，株守尙鄉閭。

月下自烟洲歸

月色白歸路，獨行烟水間。江寬漁火碎，風靜海雲閒。柔櫂遙相答，禪扉悄未關。回看萬松處，猶有鶴飛還。

偶書

不曾知進退，已得試炎涼。晝債疲雙手，浮名洗熱腸。長閒貧亦福，

孤立謗無傷底勿師元豹深將霧裏藏

遣懷

哀樂中年意莫支閒聽絲竹愴肝脾未除傲骨難諧俗略抱名心  
祇爲詩久死親朋餘舊淚晚開梅菊勝新知連宵百感孤檠集橫  
涕無端不自持

畫菊自題

寫菊年來我愈神偏於薄醉露天眞鉛華洗盡秋容淡怎有餘妍  
媚世人

題畫

蕭蕭寒葉下蒼苔寂寂柴門近水隈一樹梅花半溪月夜深誰踏

板橋來

鎮日

鎮日支離病不堪已拚瓠落棄江潭藥烟歲久薰簾黑落髮風乾  
入土藍國手妄談蓂朮好儒門祇識藿藜甘問誰得似清癯甚一  
樹梅花識面諳

酒渴

酒渴坐殘夜寥寥霜月高火光團作豆風力割如刀天濶聞清角  
寒深惜敝袍衾單眠不得空省夢魂勞

對菊口號

菊花瘦如我我更瘦如菊我不藉花憐花豈厭我俗相對輒相忘

何榮復何辱欲結寒歲盟合招松與竹

題瘦石道人畫

道人貽我片幅畫老梅屈曲雄鷄舞珍藏什襲迄五年梅花不落  
鷄不語今年道人已作古展圖我欲將詩補拈毫久立神黯然冷  
風飄衣髮毛豎忽然滿屋生古寒似聽鷄聲叫殘雨想見當年下  
筆時精神運入匠心苦道人已往不復覩此畫千年尙塵土更千  
年後藏者誰蒼天默默聽其主

晚望

歲序似流水世情如薄雲一枝風裏笛樓上又斜曛塔遠攢寒影  
山蒼皴亂紋回頭是岐海漁唱晚紛紛



有傳余物故者朋輩多來問訊笑成一律謝之

此身生死何輕重  
語偏勞詫滿城畫債未清難  
早死詩名略有  
不虛生愛憎祇合憑人說  
脩短誰能與命爭  
千載牛山太癡絕  
笑他不達淚縱橫

春日漫興二首

坐久日斜戶窮居亦負春花枝  
微着雨庭院悄無人  
壁峭蝸牛穩  
簾低燕子瞋  
東風太忙煞  
衆綠已停勻

連夜滯春雨滿庭  
生晝陰綠黏苔色厚  
寒澀鳥聲沈  
老屋無乾瓦  
虛幃尙凍衾  
何緣情緒惡  
聊復撫清琴

花朝後五日黃椒升秀才招集留霞寺拜蘇文定轍生日

兩年欣載禪堂酒作壽看山今穎濱

去年曾集留霞拜東坡生日

風節一門餘乃弟

瓣香千載屬詞人嬉春偶踐重來約直諫空憐三黜身丰采未留  
遺像在難同笠屐想精神

春晚寄梁儀廷

春雲含遠姿海水揚微波相思日間濶氣候更嚴和唯君舛時命  
蠖屈青山阿窮賤同余心所間山與河撫景怨遲暮臨流恣浩譌  
宵色日以深離夢時以多夕陽麗前庭醉此花顏酡一絲迴冷風  
片片辭故柯萬物有代謝躑躅心如何

寒食

連月郊原春雨足柳邊杜宇啼寒綠年年禁火碧烟高花片颺風

冷酸目風斜細翦雨足斷千門遍插柳絲軟清明轉聆春已深九  
十光陰漸愁短綠波容裔連碧空一綫綻作斜陽紅斜陽趁晚喜  
初霽踏青明日騎青驄青驄有約踏何處一竿帘影花村去

東伴笙

故舊如晨星落落寡相遇長貧兩間澗酸眼碧天樹欲奏流水琴  
風勁不得渡保茲希世音勿令塵耳惡精華貴自斂孤賞愜幽素  
春風吹鬢絲孤館綠落暮枝禽多好懷流響散鬱痼底用事觸熱  
腳插軟紅污清操苟未立晻曖墮烟霧萬象何冥冥空青入孤鶩

晚立

細葛衣成小暑天新葵扇子亦輕便雨餘獨立藕花下滿院斜陽

吟暮蟬

涼雨

涼雨纔過暑氣微  
一痕燈影綠依稀  
流星夜久度檐角  
疑是新秋螢火飛

爲李菊艘畫便面山水并題

螺鬟隱隱碧無情  
幾尺青潮向晚生  
寂寞柳陰紅板路  
一篷烟雨聽鶯聲

題隱泉雅集圖

驕陽麗短檐  
日午汗珠落  
招涼乏隙地  
兀坐衆緒惡  
忽來黃子書  
甫視神轉愕  
爲言紀游燕  
命補隱泉作  
致令今昔感  
抖擻寸胸

芭香茂才

著棖思曩時事避暑欣有託禪棲介咫尺青翠引城郭尋幽輒孤  
往匪俟寺僧約入門縱談笑解衣肆磅礴庭虛爐篆微風小藕香  
薄孤亭瞰厓翠雲眼綠陰幕得詩偶呈佛坐久溽暑卻時而集清  
醺文酒恣懽謔詞人數三五形迹互忘略山色落吟毫麴香溢瑤  
勺惺公故清曠高致擬雲鶴殷勤主東道蔬筍勝珍錯詞論餘風  
華學識証淵博側交十餘載塵襟藉抒拓流風近歎絕高會久離  
索事餘尋墜歡俯仰判悲樂盈虛與往復萬事付參酌輟題烟墨  
飛凍颼扇虛閣

再題黃芑香秋琴圖

秋風滿眼吹菰蒲耳絕音樂無懽娛豪門不乏笙簫竽轉憶黃子

秋琴圖斯圖創繪十餘載初題青鬢吾未改同時我亦圖游春慘  
綠揮毫溯君在華年流水曾復秋商聲屢白詩客頭圖中題者數  
百十榮枯聚散難久留唯君孤詣日益上詩骨清蒼競秋爽逸響  
高敲鸞鳳音精思妙結雲霞想噫予澀調難媚俗獨抱枯桐臥秋  
屋賞音青眼時高調未敢雲龍逕追逐願君保此希世音散髮遠  
引秋山深勸君秋高勿復鼓恐惹亂山玃猿舞

送黃姻丈就試之省

先生今春諱亡詩抱奉倩  
之戚此行惓惓詩日慰之

我本前途客今偏滯去程身緣甘小隱時得送先生故劍休縈抱  
新詩勉贈行乘風且揮手江柳已秋聲

友人龍江李懽堂近得宜興小壺精巧紅潤壺底刊有羅紫

倫三字余見而好之君慨然相贈作此志謝

僕性故多嗜詩外茶亦喜愧非桑苧翁未悉茶經旨時來繹徐句  
詩清良有以壺選興泥純盃稱宣磁美二難匪所期一得尙予俾  
癡想積歲月冥搜歷塵市時復抱空還懊喪心未已李君近俠者  
顧我笑相視欣然出小壺泥澤絢金紫作者鑄紫倫氏恰吾宗紀  
其書復娟秀品合黃庭儼我見神轉怡欲言口輒止匪期君解人  
慷慨棄如屣謂予好古士物亦樂歸只予維物由作本自吾宗始  
今復爲吾有得失主一耳所慮百世後非復保孫子姑爲供吟席  
日與琴硯邇或烹石上泉或采露中藥淺斟對樵青微烟蕩竹裏  
清涼沁詩骨芬馥滌塵滓一絲餘冷香由頂貫及趾因歎世尤物

顯晦循至理知音倘未遘身等蓬蒿委一朝經拂拭品重珪璋比  
抱璞貴自完歛華勿趨靡苟且輕厥躬君子所深耻大書酬李君  
刺刺應莞爾

雨坐憶去年羊城客中事即東區植坪茂才

去歲秋風五羊道一肩襪被塵容槁此時赤帝猶餘威浹背汗零  
舌驚燥幸同區子任提挈水陸護持免煩燥高情古義今世無事  
後思量感盈抱憶從繫纜初入城得假培玉安行旌

時居區氏  
培玉書室

託身

早耻在人下高樓獨據臨前楹樓前下俯薜階綠樓後濃遮林木  
平欣然下榻此樓上耿耿不寐秋燈明蒼鼠跳梁閃雙目怪禽抱  
樹啼四更有時高臥日亭午欹枕倦聽涼蟬聲有時獨雁度樓去



薄衾夢醒孤月清軒然風雨夜悽警草木大戰刀槍鳴箇中萬籟  
誰領略羅子而外推植坪同時居者數盈什君家諸彥情復輯朗  
豁全消芥蒂胸樸誠淨洗浮華習饗煢促席旬有餘藹藹和光欣  
可挹萍蹤一散難強留岐海韋涌企弗及唯君衡宇日相望隔面  
常常復惆悵矧茲人事遭大艱氣縱干雲亦凋喪植坪時  
奉母諱嗟予蠖伏  
守鄉土日抱殘經泥求古同是名場無分人兩點晨星焰微睹迄  
今往事思寂寥更值疎雨零秋條回頭踪跡感鴻雪轉眼悲樂驚  
塵宵荒草迷漫越臺路寒流洶湧珠江潮五雲似墨望不極或者  
夢魂時見招

見白蟻蝕書

寂寞雲無光積氣散成雨窮居地卑溼白蟻日沿戶殘書不自保  
滿架委塵莽悲憤空填胸拔劍欲狂舞豁然發大覺冥默聽分割  
憂患始識字詩書亦腹盡命窮咎詩崇溺者輒罹苦界火良自惜  
莫善飽蟲肚造化本至仁得失瞭可數否則積作殃危矣同累甌  
聞言氣忽洩破涕首微俛呼僮拾殘頁瘞之歸淨土

雨晴見月

幾費憑欄待今宵忽照臨影寒應共詫光弱若難禁我抱前身感  
琴彈太古音桂叢自天上開落了無心

秋夜雜詩

萬瓦團陰雲未勞淺秋狂葉故先號四更風雨篝燈碧壁冷鐸然

鳴古刀

朱泥壺小愛宜興一縷茶烟繞竹青入夜風聲雜餅響渾疑清瑟

泛湘靈

李愔堂新贈小壺

最喜秋來風雨天閉門休管爨無烟但求隔斷追逋客一枕忘憂自在眠

久死親朋近斷哀何堪道故夢魂來傷心作傳無人見也待焚灰

寄夜臺

昨撰鄭厚齋高詠笙兩傳脫稿後時夢見之

別業岐江憶永安祇今留與畫圖看水雲易主秋光變疏竹蕭蕭

慘莫寒

永安江館曾乞玉壺夫子作圖今館已出售惟圖存耳

遣懷示友人

無以爲懽緒康強幸老親食貧兒代僕入夢鬼疑人秋雨蕭疏日  
閑雲自在身故教簾不捲遮隔輒紅塵

秋月

秋月無心白飛光寒有稜淒然萬家思風露若難勝短笛誰工怨  
高樓夜獨憑封侯關外老空照鬢鬚髻

秋雨

樓畔聞秋雨心情非復春浪浪響桐葉驚斷獨吟身薄被涼宜夢  
衰燈凍逼人不眠傷往事此夕欲沾巾

中秋夜對月

一碧天無痕捧出黃金盤六合同飛光誰判悲與懽歡者暢情悵

悲或悽脾肝而我粟其間憂樂渾無端  
泰然仰清虛桂露霑衣寒  
名心濯冰壺往事奔急瀾  
清暉自終古歷久無摧殘  
事物遞遷變  
唯此孤光團  
茫茫今古懷  
狂調酌金尊

送何玉銘之閩

湖海男兒事壯哉  
君此行無言看短劍  
收涕且長征  
碧草春三月  
青山路幾程  
素懷吾未達  
執手黯愁生

丁丑除夕

寒戀牛衣雨雪天  
光陰到此箭離絃  
人家懽喜營新節  
吾獨蹉跎  
惜壯年所贖窮愁堪  
壓歲得完逋  
欠恍登仙屠蘇未飲  
春何在囊  
澀猶虛買酒錢

春齋即目

虛堂夢初覺，悄坐暮春時。  
雨色寒無賴，春愁默自知。  
荒涼看燕壘，零亂挂蛛絲。  
束手非長策，心旌但轉移。

喜晴

夢醒聞乾鵲，茅檐日半含。  
人疑病初起，春覺興微酣。  
山色皴濃綠，天光瀉蔚藍。  
衡門忽雙敞，防有客來探。

雨後作

軟雲駘宕媚，初秋獵獵西。  
風被面柔嫩，綠短藤栖。  
蛺蝶淡黃新，薜養蝸牛琴。  
經久廢塵絃，澀硯近慵呵。  
宿墨留病起，山窗日無事少。

除蛛網拂簾鉤

既晴復雨夜坐有作

晴暉敞連日爽氣豁雙眸又聽蕭疎雨眞如冷淡秋一燈寒入骨  
百事感回頭默憶紅橋路飛花復亂流

岐江雜詩

師涪灣頭浪拍天雨餘新草碧于烟岐江一帶春波綠送盡征人  
萬里船

元壇橋影臥長虹巖巖危樓倚碧空斜日半沈烟艇泊不知誰唱  
滿江紅

今古江流逝莫回月明水調聽堪哀如花蠻女誰能識唯有青波  
照影來

高樓長笛晚紛紛生死交情隔暮雲  
草色年年江畔路不勝殘淚

弔夫君

鄭厚齋火沒高詠笙  
水淹皆殞於岐江

### 晚步虎口塘

坐窮徒鬱鬱起步埜塘邊  
雨後長寒綠石間  
流暗泉亂蛙遙送夕  
短柳軟含烟四顧無人跡  
長調空浩然

煙洲距敝廬二里許  
十年前踪跡往來極  
一時朋輩酣嬉之  
樂近時歲不一至  
撫今追昔愴然有懷  
寄黃泮生茂才

幾回蘭漿去尋春  
白袷衫輕撲軟塵  
韻事每逢花解語  
狂歌不惜酒沾脣  
紅棉似火祠邊樹  
綠鬢如煙鏡裏人  
彈指年華共憔悴  
感深無那涕盈巾



醉後作歌

江城三月春欲殘  
刺眼飛花如血丹  
杜鵑聲聲叫寒食  
天涯客子摧心肝  
家山萬里夢不到  
觸撥涕淚滋沈瀾  
我以食貧戀鄉土  
轉戚生計懷無權  
可知天意無兩盡  
得免飄泊憂飢寒  
一若清才靳庸福  
富兒腸潤汁墨乾  
今我兀兀長坐歎  
晨膳未竟愁夕餐  
花前欲酌無杯盤  
恒抱空樽辜月闌  
好春坐失輒吁慨  
韶華一擲供指彈  
人生枯菀合有命  
塵網拋撇誠其難  
安得早了向禽願  
日弄春水垂綸竿

江樓

風微不作波雲重  
欲成雨江樓廬百尺下  
晚不敢俛睭曖懸夕陽

紫翠媚前浦老魚乍吹沫閑鷗一驕羽忘機各自適對此攝狂鹵  
萬籟有時歇斯樓匪定主坐看長江流汨汨自今古

春暮書懷

閉門少來客愛此斗室靜晝長日晷緩短夢午初醒倏然微風來  
香篆雜花影殘編臥猶把散幘脫未整忽聽山鳥鳴啾啾送殘景  
人生鮮百歲感此心竊警臨風一搔首青絲看俄頃

題畫

不覺春深衆綠齊坐看流水自成溪會心忽向溪流外山翠乍飛  
聞鳥啼

暮春雨夜

衾薄寒猶重愁霖夜更多蕭蕭響叢竹脈脈長新荷短夢燈邊續  
濃春病裏過詩成應鬼泣牆外有煙蘿

野望和杜韻

雨歇出叢碧浮雲連夕陰江流何處盡竹影自然深肆遠青帘小  
城孤畫角沈徘徊有餘思吾道足山林

十二夜雨後獨坐

愛月坐南牖更闌尙未扃亂蛙答遙柝驚蝶撲疏櫺過雨花香細  
迎風酒力醒昂頭向天未雲氣入青冥

月下烹茶

閑來煮茗坐花陰隱隱瓶笙迹漫尋風漾輕烟成紫氣泉生白石

滌塵襟乍疑瀑響千巖落絕似松聲衆壑吟已嫁樵青莫相憶空  
餘竹影自蕭森

夜聞姑惡

造化雖至公百物猶有憾此鳥命亦微含怨鬱不散抱枝影獨弔  
夜夜恍三歎生爲誰家婦死爲窮林鳥辛苦餘幽魂聞者心復悄  
試問紅閨中如汝世不少噤口不敢發遜汝得分曉爾姑縱云惡  
爾命究云薄不如歸臥巢吞聲跡深削樓上人未眠林梢月將落  
巨雨將至雲日如晦盆桂爲風所折

黑雲染白晝暝色變昏酉疾風先推門滾地白沙走樹古贖危葉  
駭落打人首斯時喧萬籟戎馬儼奔吼上有截尾蛟吹氣斜墨綬

路行竹笠墮室坐紙窗剖須臾雨驟作檐瀑瀉清瀏庭中餘老桂  
受風甚拳毆榦折體亦糜十載一朝朽有如百戰將老死耻蓬牖  
殉身待勁敵一死英氣赴母爲歲寒怯秋凋伍蒲柳桂性本辛辣  
心貞質耐久壽縱匪金石所凋亦云後噫嘻桃李花無風詎能壽

### 悲來行

行年三十未半百眼見滄桑事多易人間短夢何太勞各自回頭  
淚霑席十年華廈門莠青幾輩賓朋坏土碧匪徒人世驚變遷自  
顧一室吁可憐架頭卷軸粉空蠹郭外田園主非故及身轉盼難  
自全身後蒼茫更誰顧我言念此悲自來人生百年誠可哀君不  
見銅駝歲久臥荆棘玉魚金虎埋蒿萊吁嗟百年誠可哀

蟬

亭午綠槐靜流音到埜齋山林存逸性風露足生涯觸熱心仍冷  
居高韻自佳漢宮多少恨棖觸向秋懷

初熱得雨夜坐咏懷寄梁儀廷

一雨成秋意夜來新暑消竹槐自鮮美燈火益清寥  
簞滑今宵夢樓高何處簫故人更天末魂濶倘相招

箴言

歲月不淹諧談罔益寡言養氣狎處生隙焚香讀書閉戶斂迹謝  
絕是非廣集見識平心除妄正視遠色默思已過卓立人極誰毀  
誰譽有物有則清思杜邪大道由直一日不違百歲無歎觸警心

目提命晨夕

羊城風災行

戊寅值太歲莫春月九日卓午天微和萬木軋陰密海珠集歌舫  
風鬢午未櫛倏忽白鵝潭蜃氣起屹宰一柱貫天水深黝成鐵質  
日光慘如土雲氣黯若漆破空走狂飈倒捲海水溢天矯蟠怒蛟  
雲裂甲光出赫然奮餘勢尾掉力斯疾西關亘數里飄瞥衡宇失  
生靈越巨萬頃刻泉壤實殘骸委官道斷骨雜頽磧傷哉大劫中  
身死魂尙慄所賴當道賢哀弔復矜卹素服出鈴轅獵纓乘傳駟  
慘日向閭閻傷心動悽怵捐廉酌義舉掩骼示仁術吁嗟露草邊  
魂歛尙寧謐慈仁體蒼昊天意回萬一天意如可回從茲凶轉吉

題竹石

石丈忘言竹君微笑把臂入林古歡相照

暑夜

不寐聊孤坐微風生夜涼遠沈緜析響繁碧耿星芒絡緯先秋急  
芙蕖浹露香苦吟誰與共斜月尙廻廊

自題秋燈夜讀圖

南風颼颼葉如語斜月冥冥墜烟渚萬家秋夢涼乍成獸自咿唔  
對殘炬廿年已悔讀書遲尺璧光陰空棄之猛省回頭嘆遲暮古  
人可作當吾嗤架頭卷積半餉蠹腹中字少難療飢直把窮愁換  
歲月蕭然鬢髮成霜絲如此春光又秋色昂頭瞥見秋河碧夜長



燭短雙目懸草露荒寒冷吟魄琅琅補誦翻陳編驚起山中孤鶴  
眠老兔光沈暗虛幌流螢火弱棲寒氈讀餘頃刻萬籟作極天秋  
思羅胸前噫予耗耗秋風裏惻惻商聲夜疲耳感時宋玉悲愈深  
作賦廬陵韻專美千秋望古思遙集落黃聲斷香魂泣夜闌光炮  
悽未眠醒露寒蛩語嗚咽

新秋夜坐

秋意夜潛動滿庭松桂香無心成久坐不寐憶清狂雨止螢光碧  
風疏鶴夢涼候蟲有何思惻惻答清商

中元日雨中歎

浮雲慘淡蕭無光檐滴臥聽聲琅琅愁陰冷溼况鬼節撫髀兀兀

迴中腸窮居俛仰百不遂欲辦節物愁空囊往時家祀日卓午牲  
豚豐潔朋酒香今慙儉薄力支絀自顧涕下霑襟裳稚子恒飢苦  
不飽晚來嚼肉徒淺嘗儒門况味半酸楚時逢節序增惻傷矧茲  
愁霖接晝夜坐臥繭縛身蠶僵漏痕尺地乏乾土瓦甓薛駁成涔  
塘重幃深黝寸火弱臥榻積翠新落芳匪特人吁鬼猶懊紙灰溼  
重風不颺嘻嗟時窮復覩此同慨豈必殊陰陽凄然風葉鳴破廊  
百感全集填膏肓冷螢入戶宵未央抱膝長吟答清商四更雨止  
燭漸滅鬼影烟散人歸房

感秋

絡緯啼殘露草荒西風飛葉晚來黃烟花過眼皆成幻歲月回頭

不覺長酒後閑談十年事鬢邊初見一痕霜吾生窮達誰能料羸  
得詩名半世狂

江城秋懷寄家淡河秀才

柳枝啼烟夫容槁澹然坐受江天涼西風掀衣短袖薄戛軋林杪  
含清商吾家美人隔秋水葭葦入望愁無梁夜來冷夢倘相續魂  
行偃蹇身猶僵憶君松外之草堂滿耳清籟絃管鏘夜濤洶湧撼  
虛室高枕未穩吟魄狂知君此時坐思我挑鐙咳唾銀毫忙此時  
我亦吟嘯長壁檠欲滅螢火光藤捎露滴古落翠檐角月挂重茅  
黃苦哦不寐夜淒冷謬欲煮字撐飢腸八口恒啼兒菜色山妻偕  
命甘糝糠羨子何脩坐溫飽搜羅寶墨供襲藏逍遙日月身相羊

不求遠辱行易臧閉門深避埜馬跡開卷斷絕銀蟬糧况此秋高  
氣清肅朗吟七字抽瑤觴今我不樂徒引望城頭吹角宵雁翔長  
調未闕涕下裳庭虛坐久微露香淒淒夜氣生古牆思君此情湫  
何許一縷細若秋毫芒

齋居即事效放翁體

秋思窮邊不自如更誰沽酒買鱸魚晨興掃葉供朝爨日午移牀  
曝舊書門掩喜無人剝啄庭虛空有樹蕭疏寒廬風味差堪領淡  
綠苔痕養寸餘

何處

何處清商咽管絃蕭蕭風色慘無邊數聲哀雁繁砧裏亂點寒鴉

古木前短草猩紅秋落日遠山螺碧海浮煙登臺寂歷猶堪思不  
是天涯已惘然

東黃伴笙

秋思入遙目西風今又生經時渾小別即景若爲情隔岸碧雲影  
孤邨黃葉聲願言攜古劍彈向酒邊鳴

靜夜

靜夜渾無侶遲遲漏點分背燈跳黠鼠窺帳入饑蟲窗小能留月  
天清不受雲長吟自忘寐風葉下繽紛

秋風吟送友之漢陽

天風一夜捲殘葉瑣屑散作人間愁平居惘愴拂幽素况乃遠役

叢離憂詩成已瘦燈下影夢醒忽白天邊頭故人今晨辭我去分  
飛竟爾葉辭樹浮雲異色寒無光流水能言咽空暮銜觴顧視無  
盡情候雁南征人北征獨行撫劍萬里外飛鳥猶怯長路程漢陽  
之水深且廣夢憚風波不得往飢行無那輕性命意氣能豪內悽  
怆臨歧感我情匪懌更聽千林戰蕭撼西風滿地秋莫哀黃金前  
路猶高臺

夜讀偶作

日午驕陽蒸夜半秋風爽往往人靜後苦吟寸輝朗風高危雀巢  
露重溼蛛網萬家入涼夢一客獨遐想寥寥千古情開卷神輒往

烏夜嘯

寒檐積水霜滿天上有老鳥嗁悄然閨中此時人未眠機絲暗溼  
啼痕鮮絲露不足惜人去長相憶遼陽萬里夢猶到夜短途長心  
竊懊烏鳥高飛啼勿悲四更向盡眠已遲

夜起

落月低檐牙微風揭簾角攬衣起徘徊莎淺露光薄砌蛩語唧唧  
似訴情緒惡一燈長寂寥滿懷自騷索

虎骨行

客從西粵來肩荷雙虎皮皮中裹斷骨抖眎蒼然滋十金求善價  
班駁紛陸離解橐向我售觀此深長思彼物昔何威驟見三舍馳  
今但餘遺形近玩來小兒毛存恣坐臥骨碎投鼎鼎曩日負隅勢

倏爲入甕資形骸詎足恃氣在神護持一朝失所存不及螳臂支  
尙德匪尙力往哲鑑在茲赫赫近者誰請看此虎爲

獨游曲

酒酣冒西風長嘯出門前醉眼無南北漠漠衰楊烟荆棘滿路歧  
何處爲蕩平松高獨鶴語竹翳幽螢穿四顧莽空濶徒倚殊茫然  
獨行誰見招白雲長在天

晚立

檐前下黃葉撼撼日蕭森絲竹中年感蘭荃騷客吟冷蟬空飽露  
飛鳥倦投林滿地斜陽影凄然聞暮砧

宜秋堂夜坐



絃索無聲玉漏殘蕭蕭秋氣入脾肝  
乍涼酒易愁邊醒未老霜從鬢角看  
古戍旌旗孤月白深閨刀尺夜燈寒  
此身不是天涯客陡聽征鴻鼻亦酸

重九前二日聽雨

眞覺重陽近城頭風雨多逕催秋色老  
爭奈客愁何亭沼猶花落江湖少雁過  
預知豪興減五字苦相磨

風夜有懷友人季七

窮交餘此老不見又經時况是淒風夕  
能無秋水思檐禽飢欲墮庭葉亂難治  
欲把寒芳折徘徊復自疑

九日試飲藥酒

庭前坐看葉爭飛不用登高餐翠微藥酒半壺書一卷縱無風雨  
掩柴扉

憶蘭爲先君手植後遷永安館中歷二十寒暑矣館今已售  
蘭寄於黃氏別業撫今追昔感慨繫之

叢蘭二十本獵獵含幽姿始植橫塘坳末託岐水湄廿年三傳易  
無乃神魂疲有如江上萍隨風任所之又如海上客去住匪定持  
前年售園館寄爾他人籬先人此遺澤棄絕摧心脾園棄吾久忘  
爾獨深長思旣遠灌溉力難求雨露私鎮日秋氣深榮悴吾豈知  
長長入我夢所兆非佳兒孰謂草無情頓令心惻悲俯仰十年事  
我亦驚盛衰况彼荏弱植詎能長勿移破涕謝叢蘭枯苑歸數時

寒暑遞來往是理深可推保厥寒歲芳勿爲秋風萎廣廈愜吾願  
幽岩終爾期陽和扇萬物素影同猗猗

將雨

雨勢蓄未落虛堂先葉飛夜殘三鼓盡壁冷一燈微犬吠電光走  
鶴衝雲氣歸詩成自飄灑涼透幾層衣

夜歸

城柝已三更寥寥獨行墮衣黃葉重滾地白沙輕斜月路邊影  
昏燈樓上聲到門兒睡熟喚起欠分明

寒塘

澌澌寒塘晚蕭條落日秋風微樹無勢水濶目爲愁翡翠叢蘆出

絲瓜老蔓留短衣成小立畫意不勝收

寒露大風雨爲農家所忌

風撼庭楸怒葉飛強持病骨坐虛幃檐鬆敗瓦拋空落巢墮驚禽  
失意歸新漲又添三尺水薄寒猶怯一重衣年時米價憐珠貴晚  
造何堪意更違

萊子

萊子才三歲靈心舌有餘苦飢頻索果學讀屢撕書膝繞飴常弄  
髻垂髮僅梳能令大母笑勝得我眉舒

晚禾歎

夏刈苦未豐放眼盼秋穞一朝暴風雨吹作眼中淚蒼穹本至仁

胡乃氣轉戾莖長水滅頂根覆泥溷穗逡巡向南畝氣結孔塞鼻  
終歲胼胝勞手足匪告瘁晚收幸有穫辛苦酬一醉此意靳造物  
我亦同憂悸四體非老農年荒信家累登高望平疇漠漠水決背  
舊夢隨流水新愁似散絲癡頑兒失學辛苦嬾司炊世事猶堪涕  
吾生未有涯長鑱空負汝躬稼悔遲爲

孤鴈

生小同巢樂分飛藉羽毛自應逐月好未必入雲高回首長林在  
何心歸夢勞舊羣餘隻影寒慣不知號

閉門

閉門知節序落葉響檐稜飯後行捫腹愁來睡曲肱風霜深九月  
刑影瘦孤燈觸熱從流輩多慚病未能

寄鄭子琇茂才

城東鬱芳樹密葉含青葱宛接城外雲烟翠寒濛濛之子室尙邇  
茹蘆間幽踪相思對梁月夢往身匪從曩歲五羊邸邂逅成懽悰  
頃刻驚狂飆一散如飛蓬地近身轉遙迹阻神仍通寒雞叫暮雨  
愁入窗燈紅寸意久未伸遲彼天際鴻別來歲數易賤子嗤坐窮  
迂抱漢陰甕拙任臯廡春書劍委塵埃五字琢未工愧子青雲器  
暫作潛潭龍寶墨沃精采餘光散珠宮爲文善養氣亘視垂天虹  
英英爛雲霞佇看日升東何時笑握手薄醉菊花叢

城西公子行

壯年識公子驕馬日駸駸薄寒擁貂裘日麗千絲金層樓結廣厦  
夜半絲竹音豪情寄樽酒琥珀滿獨斟晝短惜行樂畫燭光匪沈  
榮華一朝盡慷慨負初心破絮僅完膚脫粟不滿罍第居雜異姓  
閤戶炊烟深朝見桃李花暮詫榛棘林回頭弗廿載念此爲霑襟  
昨日出門前見我顏汗淫招手欲有問去去莫肯臨

對酒

愁來強思飲舉觴開笑顏半酣愁暫消旣醒愁復還不如覓高枕  
夢入山水間將魂濯烟霧一洗萬慮刪起來百不知蠢然如石頑  
莫種樹和李長吉

庭前莫種樹樹老引清商葉落分飛日難禁妾斷腸

夜雨牀褥爲屋漏所漬

秋霖淅淅日疲耳堂上苔痕綠未已白晝昏暝資繁光夜來衾簟  
如水涼夜涼睡早僅入夢伸肘觸驚雪點凍猶疑夢裏露啼痕擎  
燈仰視瓦離縫昂頭餘滴尙澆面帳底斑斑水花濺四更火暗生  
素寒笑比失巢立孤燕欲眠不眠愁眼開城頭鼓促清角哀獨影  
猶疑鬼瞰室起行潑墨揮巨筆

秋盡

秋盡更多雨綠蘿生晝陰窮愁長寂歷風色日蕭森鼠跡空塵榻  
蛛絲餘素琴何人肯相過庭雀初弄音



立秋夕獨坐

涼雨入新秋雨餘清漢流空階見螢火微月在簾鈎不寐成孤坐  
長唵匪自由何人語幽怨橫笛水邊樓

秋夜柬何玉銘

屋老生涼意繁昏動夕愁敗荷連日雨初雁一聲秋世事同蕉鹿  
身名付埜鷗悵然搔首立大火自西流

何雲海彈琵琶詞

香山琴者誰最長曩日刺史何斌襄斌公往矣餘乃弟雲海琵琶  
亦奇技曲雖少異工則同一門兩絕貽高風音微旨奧詎諧俗靜  
領萬慮歸陶鎔七月涼颿作秋雨虛堂爽籟透靈腑丁當碎玉鏘

暗幃頓宕柔情髮一縷淒然幽怨沁脾入有如嫠婦鐙下泣又如  
雀戀寒檐枝碎踏梅花落香粒興高節促縱意彈琤琮弗斷如連  
環初觸鼻酸後神曠飄飄高寄泉石間問公神妙胡至此習從予  
季家學爾乃弟談切  
誌世尤精我聞藝絕通至理如公靜者良有以不然時響羞  
俗工我未升堂走掩耳可惜絕調成廣陵誰其嗣者今寂聲聆公  
逸奏心氣平悼昔嘆今無限情青樓紅燭夜云樂騷人勿取吾慵  
聽

巨雨

黑雲成巨雨飛瀑陡檐懸墀窄深爲沼堂虛倒見天光繁分晝用  
冰簟續涼眠懊絕北窗下飄零斷簡篇

樓望

樓上西風景又新  
疏烟漠漠祇如塵  
砧敲遠渡雁聲疾  
白落平原  
鴉影眞紅樹乍飛  
秋後葉青山不見古  
時人何來畫角增  
鳴咽獸  
倚危欄一岸巾

寄梁逸亭司馬

五載夢寐勞魂力  
破川岳須臾笑握手  
猛醒神轉愕迢迢  
穗石邱  
五雲燦仙郭屏迹  
僑厲公甘意就荒  
冥堂深絢蒼綠榕  
老肆盤錯  
門前罕足音虛闌  
日羅雀老懷愈愁  
放掉臂墨花落奇  
情發高詠  
噴唾紅霞灼日來  
秋氣深大火挂檐  
角想於晚食餘月  
上柳陰薄  
淒然坐念我絮語  
暗謎度斯人久未  
至倘被窮魔縛鵬  
鵬奮秋冥

胡乃等病鶴離顏問孤月欲問疇許託嗟哉賤子懷請陳筆屢閣  
窮愁積日月俛仰顏自作絃音受塵澀劍氣積鏽惡名心燂弗熱  
天遣貧病約骨相如菊姿蕭然媚邱壑輕訾來俗流懊悔入塵腳  
百般遜人後兩眼幸公著感激涕綆懸燈下雨蕭索山川亘紆遙  
重覲幾時確

坐月

戶外月將落薄寒衣袂生蟲聲攢暗壁露氣逼孤檠靜極心微怯  
悽然夢不成吟邊餘獨影一室水般清

呈孝廉陳玉壺夫子

蕙也溺於詩晦明匪間輟茂齡始十五韻語案排列矢口拾天籟

五七字忘拙絮絮如秋蛩竟夕語騷屑茫乎昧涯涘南北苦迷轍  
弱冠逢匠師喜立門前雪蜷曲受繩墨疵瑕仗劇切鶴斷時續鳧  
金成幸點鐵丹青與寶墨餘緒仰奇絕忽忽踰十年寸進判優劣  
敢云室遽入已煩手屢挈唯慚道玄妙未暇叩寶訣元珠耿虛室  
金丹轉靈穴弟子徒遠望戶外立影子年來拙生事幾使性靈滅  
潦倒成百憂窮崇耗心血刻舟笑迂願牽蘿費補綴壘塊填愁膺  
歛謳發苦舌坐令百事廢年光等電掣名心濯冰壺燂之久弗熱  
安能屏塵慮茅屋萬山結煙雲藉供養花鳥互怡悅所嘆百年身  
草木共嗚咽大道苟未聞千古眼誰閉

廣州謠

木棉如火粵臺邊三月東風細雨天共說踏青歸去好雙隨鳳子  
入簾前

灣頭消受藕花風莫雨涼蟬泣漢宮多少珠兒珠女淚化爲南國  
荔支紅

披披荷葉泮塘西菱筍初青未出泥生恐湖頭霎風雨鴛鴦驚散  
汝雙棲

洋幫沙水接漫漫潮上三更夜未殘翠袖重圍汾酒熱壓船燈火  
不知寒

珠海柳枝詞

柳波愁見柳絲搖新水漁篙舊板橋長與情人管離別縱無攀折

也魂銷

石近仙羊潭白鵝年年飛絮滿關河天涯見說萍終在縱有來生恨已多

久雨作

窮坐懶出戶瑟居越旬日癡雲滯淫雨兩目疲見漆溼茅漚曾欄滑蘚逼臥室土乏逕尺乾水恒數甑溢羲和盜隙至偶放金烏出一暴逾十寒萬物腐而茁敗簡蠹中活朽株蠹內窰屋老餘漏痕立足泥駭踣蒼然仰屋瓦掩冉青玉質夜眠簟溼膩冰氣託上膝夢時見波濤寒撓魂影慄巷西老桐樹風至送蕭瑟一燈啼飢兒四壁吟暗蟀

秋蟲行

涼颼夜半滿秋屋  
賸此么蟲肆餘毒  
紙帳蘆簾隔不斷  
嚶唔媚體  
錐刺肉安得朔吹奔  
吼來驅之海隅  
首駢戮世間小醜  
擅跳梁  
皇仁莫化威匪伏  
餘氛未靖視瘡瘡  
往往高枕夢難熟  
嘻嗟爾蟲亦幽險  
晝伏宵鳴甘吮足  
誅不可勝吾奈何  
滔滔皆是母爾苛  
不如擁衾臥蒙首  
華胥萬古安樂窩

八月十四夕小庭玩月有憶闈中諸子

三更捲簾起小立  
玩庭芳夜久蟲聲倦  
月高花影涼  
抵飢新試餅  
對景一銜觴  
此樂窮居得紛紛  
尙熱塲

觸熱槐黃地今宵無此情  
尙從矮屋望奚似故園  
明燭想三條盡



輪將一顆盈興餘留後夜吟答管絃聲

中秋夜卽事

昨夜月原好今宵興倍豪影同萬國照圓放九霄高啖芋偏隨俗  
懸燈也厭勞底須求畫餅飢慣忍吾曹

病足憐慈母中庭不與看月輪偏解事分照寢門寒袖剖梳微肖  
螺堆髻小盤鄉風兼節物到眼有餘懽

懽笑門庭共貧家行樂圖兒欣分餅去嬾勸拔釵沽旗影高臺盡  
箏聲隔院無餘輝斜入室不遣壁檠孤

天色澄於水連年讓此佳遙知珠海夜近說勝秦淮火爆飄旗尾  
疏燈徧水涯有人偏耐寂花影閉虛齋

秋懷三首

窮居無好懷秋風日騷索  
眊彼庭中樹春和集羣雀  
艷陽曾幾時灑地碎黃落  
鳴聲一何寂美蔭今匪託  
世情互冷暖我躬異今昨  
士窮道亦賤矧茲植荏弱  
孤檠咽莎雞寒墀立癯鶴  
俛首一長喟仰視青漠漠

宋玉本無愁傷心結孤抱  
一旦感秋氣發洩如崩潦  
丈夫尙志節困抑難自保  
身名殉衣食悞懣日擊擣  
矯心從俗流詎獲直吾道  
憂憤從中來狂詞發浩浩

百年不適意詎貪壽命長  
蜉蝣踰日辰安飽即壽康  
事苦唯求人百態迴中腸  
丐貸三致書望缺報數行  
朋好匪新舊時榮競趨踰

寥落秋堂深影散歸燕忙畢生無所求自是人義皇安得仍古制  
百畝勤畊桑

颶作夜不成寐

老屋非瀕海波濤生枕邊檐疑萬瓦折室牘一燈然逆走聲俱怒  
頻敲夢不圓關心秋漸熟歲稔乞蒼天

秋思三首

鷓鴣鳴空林中庭衆芳歇朱曦曾幾時冉冉變涼節攬衣視夜闌  
起弄牀前月牀前復何有悽惻啼蜻蛉令我心轉悲憂鬱向誰發  
無言坐虛帷一燈影徒子

疾颶捲帷薄霜氣寒切膚夜深誰復來庭下生綠蕪天未有故人

坐窮與我俱隔面不得見山河亘遙紆欲寄雙鯉魚雨雲漫江湖  
會晤終有日奈此歲易徂

抱影空堂上夜聞絲竹聲爲問誰家子酣歌無拂情作者恒自懼  
聞者憂思迸中年入感慨倏隨秋氣生共此明月光苦樂難自平  
媧皇去千載鍊石今無成

晚立柬伴笙

晚立碧天下海光遙抱城臨風杳含睇秋思望中生疏樹有寒色  
薄雲如世情眼前豪氣盡應與莫潮平

杪秋十一夜天高氣肅窗虛月小窮交區黃二子見過談餘  
客散對燈攄懷

積緒耿不寐散步行前廊響觸暗蟲歇影動驚雀翔高空挂纖月  
淒淒霜露光疾森迎面來誰念衣薄涼拂絃試清弄初彈發哀商  
愴然未終闕知音不在傍感此遲暮懷相見同霑裳

陳玉壺夫子七十壽詩

坐久春風側忘懷十五年步趨容杖履陶浴與雲烟有得仁徵壽  
無求世詫仙此中塵不立人表自超然

哀樂中年了桑榆晚更幽道心堅是石風骨冷於秋經好留孫讀  
名高厭世求絳帷徒仰止香祝屢低頭

秋榜成名早回頭日月長老懷隨分過生計與貧忘檠榻興居福  
烟霞服食方若教論晚節應共菊彌香

共喜稱觴日還添立雪人餘霞看淡宕老柏見精神毫墨千秋事  
滄桑幾度春巋然如魯殿瞻望更誰倫

薄寒與家人小飲

興久窮愁減提壺喚買春風霜十日好骨月一堂親小雨宜初霽  
忘懷不許貧孤花也同趣催放豈無因

漫興

門掩靜如夜人間何事勞心閑摹漢隸酒醒讀離騷詩卷牛腰束  
玄談麈尾操漫嫌冠帶脫疏放屬吾曹

孟冬十四日同陳子康先生梁璧山劉小衡兩茂才何玉銘

明經泛舟歧江置酒爲玉壺夫子壽便道小憩雷家渡遲

黃芑香茂才不至

小陽天氣佳吉日喜維戊薄寒僅被體朔吹未盈袖羣公懷古懽  
清泛續良覲欲飲戚無名藉介壺公壽中流蕩兩槳撥刺波紋駸  
水雲漫無涯鷗鷺狎相就夷猶未五里蒼翠豁岫岫繫纜入孤邨  
蒼然秘深秀亂松紆徑微怪石埜亭構樹古交奇柯支撐力儼鬪  
跨濠臥橋影水淺弱鱗瘦回眸金碧新矮廟綠陰覆殿靜蕭無人  
一僧埜服舊茶烟藉小憩坐忘日影收出戶循舊途參差雜老幼  
興餘理歸棹窗暝夕嵐透開尊對落日適與羣峯淒雖無翠袖擎  
宛有烟鬟侑狂謔未敢泄恐觸蛟寵吼須臾騰水光萬頃浩如晝  
景清有餘戀游重匪定候江月分送人寒輝溼衣縐

酒瓢詩

并叙

瓢爲十年前劉友地山所贈近歲節飲閉置篋底久矣偶  
閱張船山詩知先生亦有是物喜其同趣欣然檢出快飲  
數觴醒而賦此

生涯寄託笑荆公私喜名流韻趣同爲企清風還挂樹可堪秋雨  
共飄蓬十年長物遺今日萬古閑愁化此中却憶劉郎好持贈雖  
貧難賣勝焦桐

夜深戲題齋壁

窗隙嚴寒一綫侵女墻丸月欲西沈詩鈔未竟心難息苦被姬人  
喚夜深



烏夜啼

烏夜啼啼何悲屋梁月落無愆期五更夢醒使我不復寐爲爾深  
長思問烏爾胡爲得勿巢墮驚無依朔吹撼樹搖枯枝不則取子  
逢惡鴟栖皇三匝傷流籬烏也前致詞請略陳吾私有母空巢不  
得飛歲深頭白長苦飢令我朝出啄梁肉暮入調漿糜而今累日  
腹不果目窮四野將安之吁嗟乎貧兒反哺不得有如此淚沾竈  
突知者誰奚獨爾烏重斯戚夜夜徒啞啞烏勿啼吾心知

夜意

新寒入疏窗衣薄戰瑟縮良朋罷談去瘦影一燈綠昂頭睇碧雲  
星斗諸天肅庭樹微風來落葉不盈掬寥寥萬家夢此際睡應熟

悽然未眠人柝聲聽斷續

寒夜偶成

墜檐丸月冷如冰瘦影相看骨有稜  
巡夜柝聲驚臥犬懸堂畫絹  
立呼鷹浮埃漸漬衣頻染豪氣消除酒不勝  
忍凍相依誰耐久含  
情還向短檠燈

孟冬廿七夜漫成

霜氣透殘夜驚寒睡未成  
戍樓騰角響幽巷絕人聲  
犬臥頻遷地  
鳥啼欲報更影邊餘獨檠寂寞寸光明

早春書懷

午夢才醒日影遲  
碧藤花下寫烏絲  
晝長嬌女勤添綫  
春老山妻

倦畫眉性定亦知貧有味才疏休咎數全奇尙餘傲骨難銷折依  
舊峻嶒似昔時

庭戶蕭然雀可羅草痕落色養深窠酒因家累豪情損詩入中年  
苦語多世上軟紅愁躑躅鬢邊濃綠漸消磨林泉鐘鼎都無分空  
惜韶華付逝波

南河月

德蕩游也

南河月幾圓缺千年玉兔老無心那管歡娛復離別茫茫河水浮  
光來舊花零落新花開黃金浪擲苦無底月色幻作金銀臺纏頭  
一曲淚珠落酒醒夢回月蕭索懽塲轉瞬付浮漚壯志何心填欲  
壑河水清河月好看月之人詎長保水不能言人自老南河月供

煩惱

蔬價騰

苦苛稅也

蔬價騰園丁棄鋤走惟求官囊充勿計民腹吼平時蔬賤芻與倫  
今等鹽鐵征三分誅求民力向肩肘煮食直甚燒勞薪貧兒米少  
幸果腹買蔬添米熬作粥忽然隸捧官牒來幾家抱釜吞聲哭吁  
嗟乎蔬價騰粟價起吾儕努力忍飢耳詎無侏儒飽欲死側目相  
看弗敢議百貨之征猶未已

賣豚兒

哀窮愚也

華人疾夷人目之犬羊性夷人玩華人視等豚豕命夷人開山不  
用力十金買人一豚值貧兒愛金不愛身甘心入筮愚何極金山

萬里千里遙肯逐性命輕鴻毛自辭鄉里來異域塵沙汗血無人  
色作豚腹飽猶安眠嗟爾至死寬不得十年掘土山未開轉見白  
骨如山堆孤魂難返鬼夜哭此時悔作豚兒來魂兮魂兮爾母恨  
獨不聞黃金殺人易於刃

社前見燕子

去年相戲窮檐下滿地梨花欲餞曾今日歸來花未發一彈指頃  
隔年人

雨後見月東儀庭

檐角晚猶溼微光照蛛網亭亭立素娥披豁雲霧上乍見旋復隱  
光弱不凝掌徘徊佇空階閣閣亂蛙響詩情莽寥濶矣天際想

良朋期不來簾影罨虛幌

暮歸

寂寞江邊路同來獨自歸  
寺鐘催日落漁火補星稀  
潮滿初浮釣籬疏半掩扉  
回看隔林處新月吐光微

舟望

欲雨失青翠遠山飛斷雲  
孤亭扶樹出一艇劃波分  
烟暝燒灰近邨幽鑿石聞  
沙鷗天地內吾亦汝爲羣

晨起立檐下悵然抒懷

布穀啼幽林朝曦入窗戶  
振衣茅檐下漠漠復疏雨  
陰晴乍變幻雲日互吞吐  
翛然好風來落花傍檐舞  
芳晨倏已邁余意殊莽鹵

※※

窮居乏酒錢握盞視環堵

百憂

百憂櫻睡緣風力  
戛窗竹斗作笙竽聲  
淒然滿堂屋流雲  
裊空際欲就巖下宿  
啼悲杜宇醒響寂  
怒蛙縮沈沈更漏殘  
釭花媚幽默故人杳  
天末路遠書未復

葵葉扇歌

失時任捐擲適用曾幾時  
一生炎涼中反復吁可悲  
輕身出林壑無復養幽姿  
悔之惜已晚徒爲勢奪移  
入君懷袖間婉轉隨人施  
天后廟賽神詞

莫春三月花落時  
廟前風雨飄靈旗  
年年來往聽簫鼓  
綠鬢佳人

今白絲

山行

凌晨出北郭日色絢林杪溼霧青濛濛遠沒澗峯小板橋接埜岸  
落落環翠篠影過籬落間怖犬吠未了澗清流碎紅林碧啄孤鳥  
俛仰愜幽素心越緇塵表行詞山風來飛笠墜前沼仙客不可逢  
白雲秘深宵

夢故友區埴坪

兩年形永隔一夜夢相親交至存生死靈通任幻眞笑言忘是鬼  
憂患枉爲人壁火青猶在飄然去太頻

題畫



碧崖叢叢上有飛泉翠林幽幽落花自鮮中有高人獨坐悠然啼  
鳥一聲風來自天

脩柯百尺其勢凌雲板橋數折劃然泉分策杖者誰踴行寡羣心  
境自清不著塵氛

秋風何來萬物蕭槭山容轉蒼木葉微赤達士曠懷心匪境役霄  
澗昂頭林幽寄跡

羣峭雪積淡然若睡物避善藏人來宜醉攜琴溪口提壺邨肆萬  
木無聲落葉滿地

獨坐

蟋蟀鳴屋角愛此秋葉長獨樹慘未凋衆葉含早霜推窗凍積素

皎皎明月光愁來弗自覺撫景心徬徨西風入疏簾飄拂燈影涼  
屏營耿不寐幽蘭時吐香

秋風

秋風爾何知愁人最先覺暮立修梧下一葉眼前落歲華殊未已  
壯心竟奚託達觀念蒙莊斯人已不作

夜起

斜月墮茅檐四更露華溼夢回絡緯聲漸逼暗幃入

歸燕詩

燕燕于飛言巢我屋自春徂秋光陰往復日月幾何天風已肅寒  
檐葉落淒然其聲霜露載途戒爾去程相視愴懷佇立涕零河山

悠悠故國千里空梁影絕泥落盈几予獨何心情曷能已春歸他  
日庭綠草新克踐其約無憎其貧故舊弗遺我思故人

初寒

重陽猶未至凜凜忽風霜窗紙教兒補衾緜促嬾裝馬嘶城月白  
鴉噪柳枝黃瑟縮愁孤坐忘言覺夜長

早春雜感

白屋春仍冷來歸燕子遲餅餘人送酒花賸雪殘枝學以持家廢  
才無經世奇朝梳愁覽鏡生恐鬢成絲

食貧無一事默坐感離居簾外春風密堂前舊雨疏妨眠怨嘯鳥  
出水羨游魚撫景情無盡遽然夢覺初

清風橋春望

天青林碧綜疏烟茅屋參差僅數椽行過石橋流水畔打魚人去  
網猶懸

虛堂

虛堂客去靜燈火却蕭然得句青天外含愁綠酒邊月從雲罅走  
星近柳梢懸可笑聞雞慣無心更著鞭

上元前一夕雨

雲低風更削忍凍夜漫漫不飲緣耽病無言惜寡懼燈分詩味苦  
雨滴夢魂寒默計元宵近游人興亦闌

送高甥任瑜之滬上

無多親串在寂寞等殘生浩蕩窮愁日何堪送汝行贈言唯忍淚  
暫對莫爲情極目誰先路歸鴻但北征

以石刻魚雁小印爲高甥贈行并繫以詩

二千迢遞飢驅路兩字廻環籀篆胚願當黃金懸肘後天涯勤護  
尺書來

暮春齋居

四山啼鳥急啼徹又殘春獨坐少來客窮愁如戀人雨零花片重  
烟綰柳條新芳景全消歇回頭迹已陳

郊行寓目

肩輿出東郊新秧夾隄綠雨歇疇水平拍拍沙禽浴風過生微瀾

皺紋捲羅縠隄盡逢孤邨交柯翳古木人家半野樸紅墻雜土屋  
溪清戲錦鱗草細眠黃犢天然豁圖畫喜愕詫心目埜老時相迎  
一笑茶香熟

柬陳子康先生

時館吉大鄉授  
女弟子詩學

吟踪到處耐棲遲乍讀琅函慰所思老愛看山忘鶴髮羣來立雪  
讓蛾眉桑麻自具村居樂詆蕩奚容世網羈幾度臨風徒嚮往極  
天雲樹總迷離

送春

東風原似夢却怕見春歸惻惻仍啼鳥遲遲但落暉怎教時再至  
翻覺意多違明日天涯路楊花歷亂飛

春盡夏初天氣欲熱連夕得雨枕上喜占

漫天燦紅日兀坐汗如漿一雨煩襟滌三更詩夢涼帳垂通夜氣  
繁爇怯孤光檐滴靜方歇亂蛙鳴埜塘

晚渡岐江

雨餘爭利涉江色澹於秋渡口羣鴉亂波心一葉浮鐘沈烟外寺  
燈映水邊樓欲把芙蓉采蒼茫發權謳

齋居

昨夜涼雨至亭午積陰薄獨蟬鳴空林花事付寂寞稚子種瓜罷  
語笑聚墻角食貧謝世囂掩扉有餘樂

巷西老槐樹淡淡羅清陰忽來綠羽鳥當我窗下琴客至脫禮容

迎涼快披襟語久日既夕莫鐘烟際沈

病餘委生事把卷垂簾坐呼童淨掃地香鼎撥微火逢場樂靡羨  
獨寤意長可靜對忘機禽啁啾屢狎我

默吟寡師承觸發由天機偶然入城市歸來拂塵衣世事弗挂頰  
行坐無褒譏風月足庭間不藉金錢揮

新秋見螢

雨歇風更吹空堂夜如水鐙盡不成眠冷螢照窗紙

感賦耐宜亭

寂寞聲華蹭蹬身塵埃青眼更何人悲絲豪竹中年感鵠舫螺栝  
曩日春胸有奇情時隕涕生原薄福漫憂貧無端歲月堂堂去華



髮驚看幾縷新

秋盡日獨坐書懷四首

舉目逢搖落愁生騷客吟  
一家繁食指十載淡名心  
生計貧彌拙雲容凍作陰  
却憐同病者檐角嘯飢禽

端坐日無謂長閑抱影孤  
掩關渾避世賣畫抵收租  
顛顛青衫老蕭寒白日徂  
永懷廿年事回首重愁吁

蛩語尙唧唧孤釭懸夜闌  
可無遲莫感更奈雪風寒  
簾底黃花瘦瓶中綠醕乾  
破愁唯骨肉生事話艱難

秋光去無迹檐雨但蕭蕭  
瓜老賸寒綠桐疏支弱條  
難留惟節序改樂媿箏瓢  
小立空搔首風沙撲面驕

生朝自述四首

歲華何駸駸造物若環轉天人併一轍消息互冷煖我生梅花晨  
清寒竟難免心跡付樵漁榮名謝軒冕入世誠寡諧時流責疏散  
開樽且自酌一醉百憂遣

檐牙覆寒綠晚瓜餘數枚幽鳥時復鳴機忘兩無猜朗吟北窗下  
扉掩無客來靜絕生妙心悠然拂纖埃百年詎能諒興至襟抱開  
緬懷陸天隨笠釣煙江隈

居貧百無心親師養餽缺覲顏立人世悒悒恒匪悅今晨風日佳  
晴和暢肌血門庭有餘樂兒女粲成列不速來素心小飲情話切  
夜深影旋獨起弄梅梢月

慈幃縱年邁幸也叨吉康少慰窮賤懷怡然共一堂田園曷足問  
轉盼成滄桑我生本如寄詆宕毫墨場名世匪所期庶以舒中腸  
薄醉抽素毫甘苦味自嘗

寒夜

淒清此遙夜無月一天霜巷曲柝聲迴窗深梅影長替寒支酒力  
送夢入繁光正抱無衣歎嚴飈且勿狂

病起

萬樹鳥啼急臨風獨愴神長貧疏舊雨久病惜殘晷孤月寒於我  
垂楊瘦逼人年光付彈指驚老夢中身

夏初苦雨兀坐抒懷

嶺嶠地卑溼瀕海潮烝節候互冷煖綿葛頻換更盲颯與怪雨  
時復擢檐櫺入夏愁溼霖匝地落痕青兀案塵膩積帳簾蠹暗生  
晤對有飢雀狎晚唯凍蠅裹足靳寸步白晝雙扉扃吁嗟萬年烏  
走匿何處偵撫髀坐兀兀奈此窮愁櫻